



靈川稿地

~18
2450
2

共三



40
27972

2450
2

40.3.15
書入西川

高靈世編續編卷

靈川先生

冠山錄上

除夜書懷五律二首示韓族

我同
來者

名繼
元與

今宵舊歲盡相代隔三更病眼元無睡
孤懷自不平窓寒知曉近燈暗問鷄鳴
萱室應寥寥何人進壽觥
親舊無如子情懷暗自通辭家路何遠



難別歲還窮海國千峰外生涯一笑中
南陸君亦客離思即相同韓族亦
有老親

壬午元日

新愁新歲又交添苦憶家鄉淚自沾從
此東君春令布可憐南國逐臣淹俚歌
已聽家之樂村柳還驚處之尖竟日柴
門人不到數壺酸酒與誰拈

余有三女少者年纔四歲余甚愛
怜自南來森然面目頃刻未忘于

懷遂題五律以自遣云

愛念惟渠最天涯苦滯思臨餐投箸久

當寢擁衾遲

余在京時餐則分
之寢則懷之故云

開笑迎

門日牽衣索索時依之不相見老淚纔
回垂

日暮二首

日暮四山暗微之簷影斜孤城照新月
遠樹集群鴉命矣成屯塞安之無柰何
唯餘戀親意日夜望京華

東林山月上愁寂倚窓櫺幽谷春猶冷
梅花凍未零孤懷看北斗殘命傍南溟
絕域無朋好長歌誰爲聆

大風

蓬之初起動蒼穹萬壑哀鳴氣勢雄却
恐千林搖蕩盡名花佳節一般空

夜吟三絕

夜深聞絕耳無聞一炷清香聊自焚對
此嗒然吾喪我世間榮辱誰能分

萬事人間無所爲一生興味唯題詩燈
花隨意自開落我獨長吟窓月移
獨坐無言一笑中朦朧月色千山同此
時群動皆岑寂世間是非應暫空

自寬二首

生年三十作南氓百歲之中半之生顧
我中心無所愧一生榮辱不須驚
文王姜里仲尼匡賈誼長沙屈子湘千
古聖賢皆一律我今愁苦亦何傷

不是此聖

賢為自寬而
發覽者怨之

十二日夜自海原移寓城中吏人
家道中口號二絕歸以書之云

東城聊為竹林移極目平原意自悲村
廷月斜欹側過此生隨處盡傾危
周遭天外亂峰稠遠樹微茫也似浮灘
水未知愁底事夜深嗚咽月中流

贈別韓族五律二首

昔日天威悉疑危六族驚唯君多感慨

怜我最零丁荒僻來分苦艱難共憶京
淹留空換歲調護感深情

謫裡多愁思斜陽又別情離杯難強進
衰淚易還生萬嶺撐天矗千江擘地清
郵亭獨宿夜念我若為情

次韓族留別韻二絕

竹林西畔坐孤城客路迢迢有幾程芳
草却愁明日別煩懷聊自為君鳴
羨子青春向洛城斜陽坐數短長程海

原村裡佳期在莫負秋風落葉鳴

上元日李參奉送藥飯食訖有感
而作

年之藥飯京華食今日窮鄉又得嘗慈
母北堂應念我安知國俗徧遐荒

十六日韓族欲發風雨忽作余喜
題一絕示之

天意今朝與我同旨風狂雨忽冥濛潛
心默禱若有應始覺從來萬事通

思美人

一夜相思春草生芳洲落日綠波明
美人千里隔何許窓外梅花空復情

府金教官致精送官妓于韓族以
慰旅懷余作清城丈人行戲之云

清城丈人遠為客數月異鄉幽思積苦
憶繁華玉京裡杳々海邦愁荒僻風流
教官意甚真不知何處得美人汭陽江
頭春色早岸花欲散汀柳新斜陽載送

細馬驕紅顏半露傾四隣旅窓初入丈
人驚嫖目流光暗相親墮馬髻上花枝
香巧態爭如杜秋娘羔兒數杯朱顏酡
低唱一曲空斷腸解佩房櫳奉衾枕楚
臺誰復思故鄉朝暎半窓賀賓至皺顏
蒼髮皆輝光情深却少三年留一生誓
不如參商君不聞洛城之東有思婦錯
料爲我而彷徨寄語千里莫嗔我丈人
本是風懷狂

十九日又書小絕贈別韓族

春風吹水碧粼粼歸思茫茫日轉新
明
日東城君去後短籬疎竹獨愁人

二十日與韓族臨分用杜工部送
人韻又贈別

望京之客有高臺扶病登臨又別杯征
馬夕陽愁路遠衰顏今夜爲誰開微茫
晚嶺雲將暗縹緲長空鳥自回君去洛
陽春亦半我家何日見人來

夜不能寐枕上口詠

我醒本非屈子醒我噫亦非梁鴻噫醒
是平生不飲酒噫是萬里生別離不飲
令人常忼慨生別令人長苦悲我能飲
酒又無別無懷葛天吾熙々

聞竹林有風作

風驅遠海到竹林竹聲浙瀝秋江落我
愛竹林寓孤城孤城此夜懷抱惡風雖
我竹盡吹折春來籜龍亦橫錯風乎風

乎速收威此物無盡難為虐

奉次下上舍韻

獨怜梅蘂怯春寒為傍繁枝照病顏登
嶺長懷常憾慨臨江雙淚更闌干遠投
瘴海身如寄雖對風光意少歡自恃孤
忠猶似舊天涯日夜未忘還

凍梅

南國寒威惡梅花凍不禁繁華雖有數
枯悴肯無心遠日猶思照輕風更怕侵

開窓愁至夕爲爾一長吟

權兵使挽章

許國心猶壯青油傍海潮旌旗嚴號令
才俊盛軍僚天意何幽渺轅門忽寂寥
平生裹尸志今日故園遥

凋戈金甲意騰驍當世清名更獨超可
惜前軍星夜落百年人事颯風飈

夜月褰帷海氣收幾携客佐上南樓昔
年畫角臨沙塞今日丹旌返故丘

將軍名素貴行路亦傷心故國魂迷路

山西落月沉

二十三夜見韓族書

遂初怜我獨筑道
上題封寄別情病
客欲忘離思苦短書
今夜使人驚遂初韓

昔時相別兩推腸
繾綣君心我不忘
屈指歸程今不遠
強將斑鬢到花塲聞錦城到

留連故云

夜已深矣耿々無眠遂感舊書一絕云

孤臣耿々坐無睡忽憶年前夜直時月
轉宮花玉漏盡催呼珥筆上彤墀

野望

扶兒艱獨立極目古城頭春氣森々見
斜陽葦々收野川分曲折江鴨喜沉浮
萬物他鄉裡無非動客愁

詠李白

李白初從天上謫人間又此夜郎流吾
知命與才爲崇天上人間揔是愁

小雨

春酒泆々誰共斟愁邊獨坐意沉々歸
雲漫弄小連雨穿竹尋梅衣自沾

春鴈二絕

聯行長碧度遙岑落日相呼動客心翅
帶春風應向北路過京洛爲傳音
之北之南意所由瀟湘紫塞謾悠悠人

間處之皆增繳碧落高之好遠遊

二十八日贈別銀同

銀者禁府奴也善救杖瘡

者為人甚直常以不欺自許留至四月情意頗厚於其別也遂書此

贈之云

遂初別未久今日又別爾客中每別人
我懷何時弛汝雖在賤隸斷之中心羨
枉寸尚不肯平生惟直已知我最無妄
怜我濱於死艱關共長路遠投南海涘
調護久彌勤瘁身不知止日夜見我愁

慰藉言甚理君子當自反禍福本相倚
人謀不可測蒼之猶可恃公乎有何辜
運命當此否願公莫悲嗟坦之惟時竢
我聞不覺歎把臂傾浮蟻親知無貴賤
惟在情相委我生成爾勩報爾當終始
但恐未生還骸骨埋瘴裡相見不可期
別恨何能揆山雲為我暗春草為我靡
彷徨起復坐兩意終無已我遂促歸去
落日低古壘

高麗系和卷二
十一
初四日見新月有懷

新月細如眉客心有所思娟娟
虛照野故莫窺帷竹裡斜偏近
城頭落更遲餘輝猶未斷萬里
欲相隨

翡翠

冬白花中錦羽毛翩躚移入竹林高
一生隨處渾閑意却笑江東百舌勞

南來五月尚不見清卿得卿書初
七日清卿只寄藥封無書

國令雖云密子寧不寄音一身隔萬里
數字直千金悵望芳洲遠相思魂夢尋
清卿一封藥亦覺故人心

園中雜詠

閉窓抱沉疴東園成阻脩今朝偶爾出
扶杖仍近周十步一休憩藉草或遲留
艱難徧幽尋聊欲消積憂

山茶晚開落隨處紅襯履愛之不欲破
坐久日移晷翡翠如有意哀號空轉徙

花枝不復來從此見竹裡

梅花已半謝青枝空復長餘香獨未歇

兩鼻擁芬芳我恐晚風起攀條久彷徨

踈影待月看誰與傳金觴

脩竹鬱千竿縱橫古城麓遠之碧森々

近之還肅々群鳩日々至竟夕鳴相逐

安得驅去盡迺令鸞鳳宿

屈曲病矮松強項凌雪霜未辭剪伐患

鬢鬆還可傷但荷雨露濡局促依南荒

此物若厚培可以蔭四方

盈々四季花開落無失期既與梅菊並

又同桃李時梅菊本不猜桃李亦無辭

我知和為德不被群物疑

平生所願賞一々見海陬况此艷陽時

春氣和淳々但恨非舊土信羨難久留

浩然歸思集攬涕臨芳洲

昭君見唐詩有此作
吾亦賦之云

嫁胡雖非願畫工不須怨一身許君王

忍復渡沙場初發掖連時不死竟何為
今日漢宮侍明日胡王姬漢帝非斷息
昭君自失身

閨怨

即心喜新人青樓重婉嬾妾心本非石
為君終不轉
新人多嫵媚嬌目動生輝白日漸晚
我恐即心違
我初佩芷蘭與君再申約如何轉眄間

忘我棄寂寞

銀缸對耿々萬憂空切々我心復如膏
竟夜同煎熬
夜長不能寐起坐彈瑤琴幽怨恐難瀉
擬向湘江潯
昔年奉箕箒喜我有貞慙誰能謂我淫
宛轉空謠詠
日夜弄機杼辛勤成錦字泣把今年
悵望無回寄

獨怜天上月皎々憂樂同曾見金屋裡
又照幽閨中

膏沐既不施况迺插金鈿每憶此時好
如將此時見

結禱初歸日豈意中道薄寄語東家女
青年重然諾

老妓待重來之見

燕山朝逸
入宮者

曾入離宮白玉樓閑隨鳳輦幾回遊如
今流落冠山裡更惜春風對客愁

十五夜對月五首

長空雲月透萬里射金輝野澗滄江動
林虛宿鳥飛爽者收海霧靜喜入柴扉
歸思應深會光偏照客衣

圓魄非秋夕分明爽氣橫江波金滉漭
岸竹玉崢嶸萬里空相對孤懷獨自驚
今宵愁轉苦莫向故園明

明月尋幽戶慙慙吊客愁清輝凝遠野
香霧濕芳洲影隔千山路光分兩地憂

沉吟頭欲白轉覺此生浮

雖有此清景客中誰與娛水禽號枉渚
風露泛平蕪空把天涯淚還思海上桴
孤光移倏忽人事且復更

異鄉無故舊明月是親知幾見清樽裡
還同瘴海涯丹心曾已照今夕可相欺
衮之情難盡窓前夜之期相一作能

十六日對雨三首

午眠初罷起春雨暗中連竹色空添碧

燒痕忽復青汀洲愁沒浪翡翠怨露翎
久客孤城畔不宜靜夜聽

雨昏心漠漠雲密野冥冥嶺樹迷長望
江波塵遠聽碧沉冷桂葉玉襯戀梅馨
寥落千愁裡孤吟對翠屏

人事終難恃窮途何處歸瓜疇欺鷓筍
釣艇負蓑衣異域驚身世塵寰拋是非
浮灘應寂寞細雨獨依之

十七日對晴四首

朝雨新晴後，淒淒復似秋。
亂峰森劍戟，遠壑奏笙篳。
竹葉啼痕在，溪花笑靨浮。
始看風物好，何處是丹丘。
午來風日暖，物候更欣。
沙渚群鷗亂，陽崖細草薰。
負暄宜病骨，斂迹隔塵紵。
載酒何人到，春晴獨自醺。
客裡空愁寂，釣簾春日遲。
鄰鷄聲送軟，林鳥喜相追。
氣懶還無力，皮乾更覺衰。
閑居非騎省，年到二毛時。

一生春幾見，寂寞意無悰。
去歲途中過，今年謫裡逢。
轉蓬悲世事，抱病愧衰容。
何日家鄉去，相迎對酒醲。

春風

春風有何意，落日太顛狂。
過水錦文蹙，入園芳草香。
梨橫飄拂鬱，嘯發轉悠揚。
向爾傳家信，長吹到故鄉。

余作此詩，偶見柳子厚零陵早春詩，其末句曰：憑寄還鄉夢。

懃入故園與此詩末意正合嗟
乎人情無古今異

鳳鳴亭

在府之東門外

伊昔何時有鳳鳴亭今獨在謾稱名依
依山影自朝暮哀之行人相送迎獨對
斜陽共寂寞幾經世變空崢嶸我來最
晚更流落噦之不聞雙淚傾

山茶花二月復開

即冬白

曾開冬月聞杉松又奪青春造化功應

笑桃花矜艷媚暫將風韻比深紅

竹下聽從孫琴

携琴隨意坐竹林為我暫弄幽怨深冷
冷絃上瀉楚聲冠山謫客難為心歸雲
慘之橫不變竹風瑟之含哀音此時激
昂天地動蟠空鬱氣愁古今江之南方
海之涯望美人兮山嶽峯決灑朱絃零
露團金徽玉軫空浸滢十指柔滑不成
聲芳洲落日春沈之此曲腸斷非竹枝

高靈齋卷二
十一
迺是萬里思君吟明朝寄爾送清都五
雲殿上被瑤琴

偶書

人生窮到此萬事復如何夜々坐長嘯
何時發浩歌

憶佛山

在府之東與
我居相對

石峰對無語空碧直崇々巢鶴危將墜
歸雲礙不通長江圍却略古堞繞穹窿
南紀應靈異吾將禱解窮

蜿蜒橫地軸峰嶺疊相仍巖邃白雲宿
洞陰紅液蒸周遭如據嶮突兀覺無憑
故國若云見扶携高頂外

春日憶長安舊事四絕

碧澗潺湲錦作苔山南山北幾徘徊歸
來月上花香動不覺城中玉漏催
街頭楊柳綠絲々簾外花飛春日遲案
上黃連看未了故人來報惜芳時
滿庭紅雨已殘春柳絮飄飄偏惹人何

處盍簪未促膝樽中綠酒更清新
花枝鶯轉草青之沈醉狂歌笑獨醒飲
罷猶言歡未足殘樽又把坐中連

家奴逃歸作兩絕

奴主君臣一體同窮而反去大夢之爾
於禮義雖無識萬物由來各有衷
世上人心榮悴隨生涯到此可堪悲至
親尚欲相捐背况爾蚩之我豈疵
寒食雨中有感

烟花藹之草離之客裡還逢上塚時遙
想佛巖山下路雨中松柏獨參差

州佛巖山下距京城三十里

夜月聽從孫琴

孤客轉危坐羨人天一方幽琴為誰怨
明月照餘光蕭瑟古城下依稀湘水傍
鏗然曲未盡桂影空蒼之

余讀唐音閱三閭廟詩再三玩吟
遂次其韻書之云

孤魂在何處千載湘江深堆落數間廟
相望斑竹林

惜春次韻

王孫未歸去目極江南春芳草已衰歇
汀洲愁殺人

奉次梁可支韻 并序

己巳夏與梁可支同游學中越
明年庚午春可支中司馬試還
故鄉此後音問相絕未知在何

鄉及謫于冠山迺知居于此也
可支不見纔十年鬚髮盡白已
為皤々老叟余初見不覺驚歎
人世少壯能幾時乎余雖少於
可支以有涯之生趁無窮之恨
方在鬱々之中十年安可保乎
吁可悲哉可支名億柱

十年何事徑衰老白髮初驚瘴海濱
閑容未能延暮景愁顏安得住青春
煩懷

每恨無人識乾笑時開賴子親半世淳
名多悔責布衣村野挹清塵

雨中

浩々山雲暗浪々簷雨滴長風中號呼
簸蕩還奮激遠樹森如薺冥濛空遠覲
故鄉苦思歸忽愁淖路溺徒然起彷徨
高促安所適淒々似薄寒旅寓唯四壁
萬事無奈何空宇坐閨寂無聊數屋椽
心中猶歷々

古屋漏不止苦厭虫蠹墮盤中見蠢々
悵然還退坐豈不有厦屋奈此抱坎珂
階花含雨滋爲誰空婀娜對此更愁絕
颯々亂髮鞞永々苦難消題詩爲日顯
悄々如逸虛閉門誰吊我日暮聞剥啄
隣人來乞火

土壁破爲窓傾側小如瓶朗晝猶未明
况此雨冥々呼兒使明燭寒天起青燐
房中賴茲照但見影與形賦命何太薄

生涯苦零丁
沉抱坐鬱鬱
暫卧復未寧
心如未竟夕
叫呼誰得聽
我欲破長風
萬里扣滄溟

傷春

南州寒暖異他方
三月春光已可傷
新葉忽驚翻密影
殘花偏愛送餘香
青軟草迷江浦白
輕鷗下柳塘
悵望浮雲如許去
此身何事滯江鄉
一年春事隔家鄉
江北江南意自長

寂竹林鳴翡翠
日暄沙渚浴鴛鴦
楊花飄雪汀風起
野樹如帷草屋涼
借問韶光有底急
天涯應為客愁忙
忘懷猶似一閑人
悄悄翻思是逐臣
雲暗玉京愁望眼
春歸萱室憶霑巾
病中短髮悲青鏡
客裡長歌怨白蘋
抱却百年無限意
古城魑魅與為隣

聞杜鵑

聖帝千年怨未平
至今歐血叫深更
托

高麗系詩卷二 二十二
魂微物猶如許况是天涯逐客情

口占一絕贈可支

異鄉千里未歸人花落山城恨轉新
悵望長堤揚柳下馬蹄何日起行塵

三月晦日夜二首

光陰今夜盡客意轉蕭然無苦風花惱
翻愁節序遷浮生如瞥眼羲馭莫催鞭
况我空衰老孤忠 聖世捐

春光雖九十一日未銜杯逐客誰相問

生涯獨可哀看花幾濺淚排悶每登臺
故國三千里何能共爾回

詠四季花六絕

葉間妖艷暗相窺正似紅裳掩翠帷
底事春風在幽谷貴游公子未能知
弱枝花重未能支狼籍相依損艷姿
自是東風多有意慙慙吹起上堦墀
繁華雖未動清芬濃艷由来絕不群
可惜南中最荒僻無人來比石榴羣

縱然江畔最繁開陌上何人緩々迴唯
有顛狂蝴蝶至繞枝三匝更徘徊
爛紅非是慕幽蘭合薦華堂十二欄若
使問花々有語花應怨在瘴江干
每向四時季月開今雖零落又何歎只
憐孤客愁中老一度青年可復回

可惜

可惜吾生也一身如贅疣安全何敢望
潰決是多憂人意尚難測天心誰得求

鼠肝與虫臂都自付悠悠々

夜坐有懷三首

蕭颯柳亭下小塘新月斜為君搴芳杜
地遠將奈何
光城數三里無等空嗟峨望之不見人
相思風雨多
有羨孔巖翁閉門長自守相期永言好
忽此箕與斗

燈夕城主張樂來慰

勝絕忘遷謫風懷似昔年村燈明爍
江月照娟娟舞袖翩跹影歌聲嫋嫋傳
醉中看北斗忽覺在南天

夢喜初之夜蘇興陽世得書報喜
初丁憂夢豈虛也哉吾聞而情不
自已遂作一絕云

清貧其柰送終為迫此艱關最可悲拘
繫未能匍匐去只將情思謾躊躇

月夕對曹輔之寫懷

自笑男兒事東西未可期冠山曾不到
吾子詎能知今夜遮前話他年何處思
堪嗟人與地去每相離

携曹輔之往竹亭徘徊顧望意甚
悲慨作三絕書之于竹竿

鬱鬱千竿翠作林微風淡淡動清陰
聲羗笛滄江暮為度山城惱客心

是日江邊

有吹笛者

扶病閑尋碧玉林仰看天日隔森陰登

臨隨處沉吟久盡是斜陽故國心
露頂披襟坐竹林青山欲暮又城陰幽
棲亦似清閑客回望無端塌塞心

午夢得見叔貢濟甫話懷覺而即
書以志之

二子長相思是以夢見之沉抱始一陳
二子皆解頤莫逆會心友非二子其誰
方欣會遇時豈知南北離雍之集墳麓
郁之聞蘭芝假眠未可久忽覺心不持

初疑相見真恍惚終我欺萬事雖如夢
夢中尤可悲明之在人世可復相進隨
天高地亦長我懷空自知

次韻奉酬和之先生

萋萋芳草斷腸人目極江南千里春落
日滄波愁渺渺江妃微步機生塵
四友年來別主人軒前寒落獨經春重
門深鎖無人到時有風吹琴上塵

獨坐有懷

藹、澄夕霽澹、江波明俯臨坐閑敞
遶樹微涼生有懷會心人遠隔千山橫
悠、百年內別離空復情禽獸皆有群
飛走常同行爲人不如物魑魅伴空城
朝暮攬茹涕悵望徒盈、安得生兩翰
颯、投玉京

奉荅和之先生

掩關終日坐吟哦細草薰香是綺羅故
國千山愁不盡由胎聊與伴眠魔

登臨落日苦沉哦綠水風微澹似羅萬
事從來皆有命寒屯無計遣窮魔

寂中偶閱王摩詰田園樂六字詩
真閑人之樂也吟玩之餘遂次其
韻以見慕想之意云

隨意園中散步葛巾風過欹斜桑麻鬱
鬱村暗返照猶明數家
柴扉晝掩岑寂遶竹陰深碧寒自與紅
塵隔遠誰知野服黃冠

高麗詩卷二 二十七
桃杏村花遠近騎驢獨遠川原歸來掃
榻閑卧山月悠然入門
野外風吹碧水村邊日暮青烟一壺沽
酒徑醉坐對閑花獨眠
梁上燕窺筆硯窓前露滴連松家僮盡
向田野水碓斜陽自舂

次皇甫茂政韻

客裡愁心漠漠空看水去雲行白蘋隔
岸誰採時聽長歌一聲

題荷葉

昔年蓬島謁仙君白玉橋邊擁碧雲今
日天涯荒僻地幾回愁絕嗅清芬

五月初四日太守見訪

太守情何重慙慙屢見臨清陰連席次
落日射江心鮮膾銀絲細香醪玉學深
籬邊相送罷纖月坐孤吟

扶病身難拜猶然謝厚情江山論勝迹
歌笛送悲聲白鷺翻青草黃鵝泛碧觥

登臨成一醉颯々晚風生

端午有感

重五天中節孤臣北望長粉漿思

玉關團扇隔殊方寂寞山光薄蒼茫野
色荒屈原今日死千載我偏傷

客裡逢佳節天涯哭遠人者々非舊土
去々揔新鄰近畔空荒草樽中久澁塵
只將續命縷千里獻偏親

登推子亭

颯々長風吹客衣亂山高下濳斜暉城
臨絕壁江如縷路入荒村人自稀歸鳥
有情空獨去碧天無盡竟何依可憐今
日登臨意萬古消沈淚一揮

轟々雲山面々遮徘徊四顧但悲嗟茫
茫宇宙身何渺寂々江山日易斜愁裡
瘴烟埋遠樹望中何處見吾家潸然不
是牛山淚猶向長空灑落霞

代人詠懷

自從風雪送天涯
目斷雲山路更賒
春去春來歡唐人謂情不見至今愁對石
榴花

連坐次韻贈輔之

日落陰逾重
汀沙碧水分
婦巖將墜野
熊岵半連雲
愁病孤城裡
鄉音何處聞
空庭方悄羨子醉醺

故國千峰外
南遷路自分
滔臨逝水浩望歸雲
烽火山頭見
歌聲岸外聞

樽中雖有酒
愁絕未堪醺

燈下寫懷贈輔之

輔之見烏次分
自吾宗譜系雖云遠
情懷頗自濃
身閑在田野
氣朴到羲農
笑語時相對
愁心或可興烏次長悚

天涯流落客
豈意見情親
山館偏怜獨
村醪或拔貧
風霜一相遇
時節再經新
萬里非君愛
誰能記逐臣

別洪忠順衛允貞

昔年京洛暫相親今日江南最故人
意外見尋情益厚客中還別恨偏新
山城漠漠埋蒸雨嶺路迢迢沒晚烟
古渡馬嘶君北去短筇扶立獨傷神

夜坐

惟雨蒙々暗海陲古堂無燭亂風吹
荒郊鬼哭千年地遠戍孤鳴半夜時
久住鄰人渾就睡新來遷客不勝悲
孤懷短夜猶難曙汭水城頭曉角遲

對可支口號示之

柴扉長寂寞寒雨故人來古渡迷青
草荒城沒碧苔空樽雖廢酌留客更
登臺非子來相訪煩愁何處開

可支欲亟還作小絕強留

汀沙日欲暮萬里陰風吹客子方愁
寂故人何所之

愁陰

一月連陰鬱不開青天不見苦多哀
地

窮滄海山無極却恐陽暉未及回

題畫圓扇五首寄柳亭

鴈影迷江浦遙山帶夕陽輕舟搖短棹
何處是三湘

孤月生東嶺斜陽沒遠岑滄波數點鴈
問爾帶鄉音

楚水秋將晚綠蘋空自愁王孫未歸去
更向汀洲遊

搖落秋山遠長空鴈正飛中流小船在

應待月明歸

圓如三五月澹若湘江波直以兩相照
秋來於汝何

十五日初見瓜有感而作

青瓜蔓東園結子空離、摘來薦盤中
綠玉光含滋旅人那忍嘗對坐久嗟咨
豈非昔日見所嗟驚節時我始遷南中
霜雪埋寒曦草木共蕭疎鼻鼷陰風吹
寄寓如昨日瓜蔓實已垂歲月乃如此

客懷寧不悲已矣負瓜時更以彫落期

江南怨意題楚辭圖

江離漠漠水悠悠雲自無心人自愁更有汀沙浣紗女竹枝閑唱不知休

江南此地水雲鄉水遠雲深北望長終古放臣腸斷處綠蘋愁殺是三湘

目極長洲愁柰何斜陽澹澹下西坡山前只有滄浪水盡日不聞漁父歌

渺渺佳期不可忘至今運行滄浪之汀

洲杜若自衰歇千里美人空斷腸

望遠

故鄉望不見吾欲剗群蠻萬里若平地

誰言相見難

浩浩天無盡蒼蒼何處憑無由御汗漫空望海雲升

浮灘舍奴仲大來謁有感而作

萬里來尋情意多家園風物問如何遊松寂寂閑明月江柳陰陰帶碧波漁伴

佳音添別恨詩朋清句滌煩痾昔年老
死浮灘計今日天涯只一呵

贈冲源

南來今已半年餘親舊之面尚
不得見居常鬱陶一夕忽有冲
源弟來訪其意可知僻在窮荒
雖聞楚音尚可喜也况如冲源
乎情不自勝遂題五律三首以
示云

竹孫初解籜梅子欲黃時嶺路艱關度
江城寂寞隨相思夢幾見今日對還疑
衰病天涯客逢君意可知

相者如昔日回首是他鄉海霧飛鷺跼
山風怪雨狂卧愁衾枕濕坐厭嶺雲長
萬里非親舊誰能到僻荒

壹鬱心中事憑君庶可傳滄波連北海
雲闕隔南天孤笑煩憂裡殘生古戍邊
淹留終不久未別已填咽

冲源茅留五日還錦城詩以贈別
聞寂荒城數日留笑談聊復慰窮愁山
連北極雲烟隔地入南滇瘴霧浮歸馬
獨嘶芳草岸夕陽猶帶白蘋洲可憐分
手門還閉依舊孤懷自百憂

登樓詠懷

憂之風鳴竹淒之雨入樓南臨平野濶
北顧亂山稠氣槩元龍逸情懷屈子幽
可憐雙白鷺隨意點滄洲

二十四日登竹亭書竹竿

繁陰慘之落長洲古壘蕭然冷似秋回
首暮雲迷北望亂峰如束大江流

翌日又登竹亭書竹竿

浮雲流水共茫然萬里飄飄未覺還頽
卧竹陰涼冷處晚風吹過似登仙

七月初二日大雨

昨日獨悵望山氣初含雨滄溟雲四合
未夕天已暮仍之颶風起萬壑鳴爭赴

我懼閉房攏就睡類沉酣半夜僕夫呼
雨脚大如注古屋盡漏濕床下已沒履
我忽驚起坐衣衾固難護一身僅容避
苦待窓日吐朝來勢益壯恍惚難比喻
扶杖出門看黃漲迷四顧聲如卷地軸
汨颺崖石仆泛濫大野沒田毛剝而斲
天紀已頽洞萬物皆震怖魚鱉不足數
蛟龍亦失寓蛙黾獨跳梁滿室相依附
農夫輟鋤立舉頭仰天籲柰何天失度

水災年之遇願言廓陰氣大地皆和煦
我聞更茫然默之但鳴譟雖自抱愚忠
其如隔天路

代人次式上人韻二絕

兜率南天真世界山茶滿地昔相參多
情綺語人間到賀之難酬支遁談
銅章墨綬身嬰縛錫杖芒鞋恨未參歸
去世緣如可脫便從蘭若學禪談

早秋感懷

今年節候苦未調六月寒風猶颼颼
數間蝸室不知熱每願不見邊城秋
一夜金氣動蕭疎邊城孤客聞已愁
我家正在江之北坐遣歲月何獨留
我昔少年遊蓬島美人綽約如春花
瑤池西畔拾芳草與我相期及年華
一自飛遠落天隅北極萬里空烟霞
秋到仙宮未忘處玉欄干外桂影斜
故園池臺今何在松子落子風吹琴
主

人未歸誰為賞空庭寂々喧暮禽秋來
使我轉悄悄四友軒前魂夢尋丈夫自
是無南北何為未能忘歸心
城上烏啼天欲曉門前桐葉西風吹我
有一雙泉下珠天涯獨把空自竒山高
水深無處售日夜延行心傷悲悠々萬
古知幾許歲月倏忽難可追
客中逢秋心緒多但喜炎天瘴霧收山
高水碧舊痾蘇崢嶸瘦骨輕欲浮我存

一氣吸沈瀝願與赤仙遊丹丘人間三十已苦留誰歎閱世如蜉蝣昔年豪貴盡丘土祗今白楊風蕭瑟况是楚囚天涯客何用人間悲屑之人生快意在行樂醉倚金樽泛清瑟鳳兮鳳兮聞已晚願君莫守迂儒術

雨後登竹亭望遠書竹竿

雲陰四霽碧天高草樹蕭疎亂遠皋川減驚波沙渚淨涼生孤戍晚蟬號登臨

萬里家何在徙倚千山首更搔滿目悽悽無限意不堪斜日詠離騷

秋日詠懷

病渴長思白月圓可憐湖海著南冠無端搖落秋風意夜過西窓竹韻寒金風颯々動輕波杜若淒々柰爾何鷓鴣未鳴誰采掇暮雲江北客愁多歸思江東蘆荻秋一帆誰得去悠悠可憐千載吳洲月應照冠山謫客愁

高麗詩林卷二
三十一
梨花欲老白蘋愁寂々汀洲淡遠秋客
思不關鬢鬢變古今遺恨自悠々

四明狂客欲還兵特賜剡州百里湖今
日 聖恩吾亦沐碧波千頃遶城隅

秋日書懷五律十首奉呈淵谷先
生

涼飈颯遶樹秋氣已蕭然節爽沉痾去
年衰暮景遄亂蟬號遠戍斜日下長烟
江客悲心事何人草太玄

寥落汀洲暮蕭々草樹悲江鄉雖異托
魏闕共相思短景驚衰髮長途困老騏
子詩清逼骨運數固多奇

生計烏皮案朋知萬卷書硯圍松露滴
窓印月林踈白屋心方寂青雲迹更虛
窮中不自念為子亦欵欵

流落天涯客曾為太史官南關愁獨苦
北極眼長寒晚嶺魂迷路瓊樓夢倚欄
徘徊心已斷清露泣臯蘭

山擁村墟近東西一水間柴扉同寂寞
身事兩艱關古砌虫相吊荒城菊自斑
他鄉無逐客那禁淚潛

竹裡小階在幽居人不來輕風時動葉
明月巧尋杯只與此君友難期長者回
秋來轉蕭灑誰共客愁開

我家鳳城北悵望嶺雲多金氣已蕭瑟
客懷知奈何綠蘋愁遠渚白鳥泛輕波
萬里無歸日臨風發浩歌

浩々天恩大殘生又見秋匙膏香稻
薦江落鱸魚收醉對金波嫩閑尋竹影
幽歡娛隨地在末句

緱嶺思王子玉簫何處吹天衢桂花落
雲外鶴唳悲朝過瀛洲畔暮游湘水涯
秋高風颯々客意欲相隨

南湖今夜月應照竹亭西遠樹日將暮
女墻烏欲栖可憐浮客裡奈此江娥啼
酌彼樽中酒北窓先醉迷

感古

仙臺芝草碧雲隈
四老相携去不回
漢帝寬仁天下聞
掉頭何事未歸來
七里灘邊人未逢
釣臺何處訪高蹤
東都氣節由文叔
一介韓歆獨不容

月夜獨坐

玉宇崢嶸月色清
婁之小幌客魂驚
露垂碧草鮫人泣
風過疎松鳳管鳴
澹之靈臺寒不起
蕭之華髮耿添生
孤臣此

夜長危坐星斗闌
千為照明

月夜聞降仙兒歌有懷

飄之來自白雲鄉
為是仙郎落海傍
嫋嫋一聲初度遠
團之孤月更凝光
遙聞王子吹蕭應
又見江妃解珮傷
清切夜深逾髮鬢
鳳城千里恨茫茫

三更見月次東坡韻

暗夜寥々坐竹軒
三更初見月窺山
暫將古意沉吟裡
已遍清輝大野間
江似

玉蚪迷極浦峯如仙女儼高鬟青楓渺
渺烏啼曉客子蕭然怨未還

二十三日朴德聚又來訪留二日

還詩以謝之

初見鶯花晚再逢雲海秋深知故人意
却解異鄉愁日午松簷薄談清夜月留
山陽一望地願子數來遊

次淵谷韻奉荅

憲也元非病何傷擁敝衣朋知花竹是

淵谷以山茶花與竹
名堂曰二友故云情抱利名非入訪
蓬蒿合鄉趨道義肥迷邦終不可九萬

會鵬飛

眼寒狄公望浹濕老菜衣一自家鄉別
每嗟風物非蕙花空自怨鶴骨更難肥
矗、雲山隔夢魂何處飛

余喪子淵谷詩以慰之遂次其韻

奉荅

南北常嗟未合并那知長逝隔幽明傳

家世業誰目托垂老他鄉淚自傾千載
樂天空有恨當時季札豈無情森然眉
目難忘却半夜燈前夢幾驚

次淵谷韻奉荅

江介秋風颯々來客中時序自相催秋
深更有銷魂處明月滄洲鴈叫哀
松梢露滴鶴徘徊只有清詩當酒杯卧
看碧空雲去盡始知身世一浮埃
白鷺聯翩下岸頭荻花飛處謾悠々江

南秋水雖清淺我已忘機莫暫留

述懷奉寄令弟冲源

萬里辭家意已多秋風今日更如何林
疎野外山爭獻江落沙邊鴈欲過暮景
詩懷空索寞少年風味漸消磨滄洲九
月重來約猶在冠山碧水阿

元日

三元今日共西東憂樂如何苦未同寂
寞短籬門獨閉蕭條古屋雨將濛谷梅

亦怕春猶冷岸草偏欣日漸濃屈指親
年兼喜懼客中心事更忡忡

春寒

玄冥不肯退群物奈何河岳風爭勢
乾坤日未和龍愁海將凍鳳畏竹偏接
縱是非天意生々憔悴多

寄別令弟冲源之京

迢々客路接蓬瀛漫漫々春山桂影橫此
去橋門傳勝事五雲飛處唱君名

時聖

後仍取
士故云

追別鍊翁兼呈和之子實

草亭蕭瑟傍江濱落日殘樽送故人別
後情懷猶不耐笛聲何處更傷神

邀別叔剛

城頭風日最熙々細草如茵坐可宜君
向玉除攀桂後暮雲南北只相思
別叔剛二日聞剛醉倒碧沙驛未
發即占三絕寄之二絕戲之耳

二月春天雪正飛送君江北思依之早
知咫尺還留在把臂斜陽未放歸

數曲離鴛意已長西軒一別太匆忙未

忘半夜潛投約又醉郵亭度夕陽有前
時為

此昨日宿西軒今
又醉倒碧沙故云

之子風情冠一場為憐南國杜家娘山

僧亦覺前規在百里冠山萬里長前日
之行

二十里間二宿又至
金剛寺留宿故云

暮春初二日作七律奉寄和之約

踏青之遊云

客裡春光能幾時重三明日屬愁眉草

連幽徑纖之軟柳壓長洲嬾之垂萬事

當年無可意一樽清賞未應辭曾憑處

士傳佳約為問先生知不知已囑梁處
士傳告故

末句
及之

重三日和之為太守所邀赴客館

獨與梁處士步尋郭外小村仍用

前韻同賦後二日呈于和之先生

烟海茫茫欲暮時
遠山微露細如眉
主人病久容顏瘦
客子年深鬢髮垂
詩到好時吟未倦
坐忘歸處興難辭
俗人謂是踏青會
物外閑情聊自知

謹步瓊韻奉答淵谷案右

公惟長者輩不敢擬
齊肩文會頻參對
窮愁更荷怜支離
曰久病山寺廢同眠
賴有江天濶相望
几案前每有尋寺之約
余病未果故茅
二句及之

杖藜猶倦困更倚
小童肩傍柳枝慢
穿花花片怜愛山
行復憇臨水坐仍眠
萬事都忘却熙熙
太古前

淵谷幽人在清詩
誰比肩功名俱是幻
窮老未為怜靜對
江山好閑參鷗鷺眠
生涯亦云樂花竹
繞堂前
窮愁無與解
萬里絕隨肩
漠漠春將暮
悠悠客自怜
晝尋花塢醉
夜向月窓眠
勝絕身忘遠
江山擁後前

春日步尋郭外小村

桃花滿地踏紅雲竹下穿尋日欲曛只
惜光陰愁裡去任他蜂蝶自紛紛

奉次淵谷韻

汀沙一望地喬木數家村雲過窓留影
人歸草沒痕二三探老學六四討羲坤
准擬身差健徑趨扣閉門

老郎何靜暇長夏卧江村床亂詩書帙
巷無車馬痕生成濡雨露覆載賴乾坤

兀之忘心事悠然月入門

閑中次韓文公鳴鴈韻

清江始波木葉飛難之鳴鴈何所歸徘徊
叫呼獨依之落日汀沙儔侶稀萬里
瀟湘去路微雪霜滿羽何由肥去之猶
繳未能違為此稻梁心事非見爾江南
愁思多何不早去避罽羅琅玕碧海雲
日和飛之刷毛可任佗弋者雖慕終奈
何

得郭外荒田起墾

乞得荒田半石沙，居民云是昔人家。
牛蹄盡脫纔成墾，又要鄰翁學種瓜。

夕望

微茫綠野水田平，白鷺飛飛雪片輕。
斜日倒江波面靜，喜看樵牧鏡中行。

別友人還京

半年情思十年知，未擬湖山遽別離。
今日笑談真一夢，綠樽何處更相期。

宣秀才惠筍一筐喫罷戲書

盈筐一束籜龍孫，喫罷胸中怒氣奔。
賴有鵝溪截百軸，明朝瀉出驚風翻。

病中吟五律寄同年友趙伯玉

卧病連三月，他鄉意不禁。
首丘猶物性，思越况人心。
藥餌妻孥困，家山魚鴈沉。
願依先隴側，誰度千岑。

欲與伯玉話夕涼詩以邀之

暑氣炎々倍瘴鄉，老郎終日汗如漿。
剩

知郭外滄洲濶欲把詩朋步夕涼

十六日伯玉與我期向江頭玩月
竟不至作一絕示之

竹風收暑晚颼颼客子冷然欲遠遊只
為廣文曾有約謾孤明月照滄洲

八月十五夜以雨不見月遂書長

韻以叙鬱懷

我聞一年十二月之色正當八月好八
月雖云秋之中又至十五尤潔皓我遷

于南今三年二年抱病常燥之何況露
坐江之濱快對素華挹清灑今年幸復
氣差健夜之披襟仰蒼昊苦恨南中瘴
霧地浸滌恒泄如泥潦月雖時之強透
光依稀乍見長草之謂言清秋涼颼至
廓此滌穢天如掃得見寶奩圓鏡開照
我短髮慰潦倒安知今日三五夜雨脚
如注雲浩之深閉清光終不發使余鬱
鬱舍恨懊三年既已苦差違雖有來茲

何可保始欲携壺出東郭鳳鳴亭前事
幽討逍遙散步對月影酒酣脫帽歌西
皞幸逢子晉吹簫至仍之相携訪三島
嗟々茲事固為羨天豈許我縱所抱爾
來天公不哀我儻有所為必見惱我雖
有誠儘難感肯効韓公潛心禱不如閉
戶坐一室麾謝萬事甘枯槁安之若命
古所訓何用戚々心如禱寄語世上夸
毗兒我心如灰莫怕爭寒燠

安縣監挽章

系出竹溪縣蟬聯德業光居鄉積能散
為邑視如傷人代年何促泉臺夜自長
叢蘭方擢秀家世儘芬芳
早登蓮榜意翩々天上仙宮桂可攀養
德一身猶不食竟流芳慶到三賢
華屋泉臺一夜移歌堂空有月窺帷二
郎榮宴稀今古多少鄉人說舊時

戲次清卿玉樓春二首

楚臺襄王沉不寤十重金屏朝復暮錦
瑟泛彈樓月明玉罕穩送階花雨人生
少年能幾時世間離別令人老細馬爭
蹄相顧笑揮鞭直入城東路此首開清
御抵洪州

得妓鍾情將別不忍仍
載來于京故戲之也

丹心耿耿伴神寤豈不有朝傷此暮昔
年朱閣寵生嬌今日深閨淚自雨問君
何事忘我多玉顏每怨愁中老湖西女
兒雖媚嫵春情蕩如歧路此首戲清
御舊嫌怨

得新人而
忘已也

獨坐偶占一律寄伯玉

寥落空山靜霏雪片輕飢烏號野戍
凍雀集簷楹閉戶吟詩句寬愁倒酒觥
蕭然此時興聊與廣文評

野望用杜工部韻

風雪交飛急山川未夕陰亭臯喬木冷
野迤凍雲沉歸翼款還疾寒流碧更深
無衣卒歲子白屋擁蒼林民家之西北
必種竹成林

以禦風
故云

守初先君挽章

德義由身致功名不可謀幽閑隱君子
行樂素封侯草々人間事悠々地下遊
鄉關最傷痛萱室暮年道
乘化云何早天齡五十春園亭閑夜月
池柳鎖寒烟迷世空懷寶居鄉更混真
嗣賢猶不死奈此白頭親

夜坐書事

草屋江城畔蕭然對盂光小兒依膝寢
孤燭怯風忙共說家鄉事還嗟夜漏長
唯餘丈夫意默々仰穹蒼

除夜書懷

異域留年夜情多難及晨關河獨遠
天地歲還新愁作眠魔崇身為瘴海隣
明朝泔水上回首更沾巾

二月旬有二日與秀才數人携乃酒

游江渚

春服既成日我意還怡。偶携諸子出
行此江之涯。是日天氣和萬物皆熙。
游魚動滢刺林鳥鳴相追。萋萋芳草軟
濯之群卉。搗是知各自得天地還無私。
物我固無間於焉久踟躕。言念古君子
被浴于沂。湄邈矣數千載。此懷聊相知
陶然更微醺。誰復湘纍悲披襟溯長風
詠而唯所之。

次林上庠山居韻

傍巖結小屋日午遶松陰幽迳不曾掃
落花空自深

暮春十七德聚携樂邀余及餘慶

數人月夕船遊于白沙亭醉中戲

書二絕示座中諸友

德聚時為
府教官

紅巾裂破寫新詩

時無紙適有一娼持
紅巾者裂而書之

正是騷人發興時送盡一宵猶未厭更
圍花陣下船遲

兩地名花滿載來輕舟緩棹更徘徊却

將歌笛催詩興是處依々見落梅

三月晦日與德聚及諸生飲于校中酒闌以餞春命篇同賦

落日樽前意轉新送君何處望行塵縱然來歲還尋我却恐顏衰非昔人

孟夏與德聚餘慶遊魏習讀山亭漠々松陰護翠苔奔崖忽斷勢崔嵬登臨大野平如掌望盡長江綠似醅村宴但知園菜足俚歌猶覺客愁開主人亭

景能留我坐待蒼然暮色回

寶林寺贈別冲源令弟

去年見洲浦今日逢禪房相尋遽相別幾回令人傷巖扃最幽寂宜與子相羊悠々百年意奈此一宵忙群憂忽紛進苦語還都忘杜宇叫添苦松月翻清光別酒不可醉鬱屈回剛腸忽々意未了征馬鳴騰驥一歡那可恃南客情更長山中何所有幽桂空芬芳折把寄君去

極目山之陽

游宣家園亭

森々碧玉擁幽亭
細雨華筵舞袖輕
羸馬不辭泥路滑
主人知我遠來情

重五與平叔德聚輩為洽弟所挽

遊西軒

空館寥々夏日長
正宜隨意送飛觴
綠槐隱映秋千影
珍簾氤氳羅綺香
祗為窮愁難遣去
未要沉醉作顛狂
翻思昔

日蓬萊閣團扇瓊漿雨露光

校生金玉剛挽

我於子之死天理尤茫然
人生同受氣脩短何其偏
或至鮫背死或未免青年
此有愛惡歟抑且偶爾焉
以其愛惡也子不惡於天
以其偶爾也天平可信旃
我惑終未解徒自呼蒼圓
子超少年行毛骨信精妍
年雖未至冠有室歲已遷
乃祖撫子背所冀惟福運
乃何棄乃祖倏

忽而仙化人皆惜子天我獨乃祖怜子已
散魂魄大卧泉下眠悲喜既不省豈知
乃祖煎乃祖未割愛日夜淚漣漣想子
之容儀見子之幽垓撫膺必號慟觀者
亦填咽仲冬朔有六日時俱無愆乃祖
備葬具南麓開新阡松栢寒更慘丘隴
鬱相連送以薤露歌去矣唯其便彭殤
竟同盡何必抱幽悵

雨中獨坐

蕭々風雨暗前江窈々茅堂獨閉窓萬
壑驚濤舞磔々一庭鳴玉響撥々行人
凜冽愁寒中岸舍歌危畏水撞堪笑老
郎多事在闔茶空遣睡魔降

夜坐書懷奉寄子潤

籬外寒江尺五流野堂寒落傍林丘山
風吹去松聲遠雲月微明竹影幽太瘦
非目詩思苦乾愁徒為暮年道何人此
夜乘清興更向剡溪放小舟

高靈世稿續編卷之二
五十二
次竹窓韻

獻歲江南萬物新故人書札倍傷神十
年湖海同憔悴陰谷何時又見春

蘇監司世讓折送梅花一枝遂作

一絕奉呈

春到江南第一枝一團和氣淡容儀騷
經不入騷人恨折贈湘纍續楚辭

高靈世稿續編卷之二



